

Bosna i Hercegovina
FEDERACIJA BOSNE I HERCEGOVINE
EKONOMSKO - SOCIJALNO VIJEĆE ZA TERITORIJU FEDERACIJE BIH

Broj: 03-30/14-6/25
Sarajevo, 18.12.2025. godine

Z A P I S N I K

sa XI. redovne sjednice Ekonomsko-socijalnog vijeća za teritoriju Federacije Bosne i Hercegovine, održane dana 18.12.2025.godine u 11:00 sati

Sjednicom predsjedava dr. sc. Safudin Čengić, predsjednik Ekonomsko-socijalnog vijeća za teritoriju Federacije Bosne i Hercegovine.

Na početku sjednice, predsjednik je konstatovao da sjednici prisustvuje 19 članova Ekonomsko-socijalnog vijeća za teritoriju Federacije Bosne i Hercegovine i to:

PREDSTAVNICI VLADE FEDERACIJE BIH:

Nermin Nikšić, Toni Kraljević, Adnan Delić, Vojin Mijatović i Kemal Hrnjić, članovi delegacije Vlade FBiH.

PREDSTAVNICI UDRUŽENJA POSLODAVACA U FEDERACIJI BIH:

Nihad Imširović, Mario Nenadić, Adnan Smailbegović, Rasim Memagić, Snježana Köpruner i Vinko Mikulić, članovi delegacije Udruženja poslodavaca FBiH.

PREDSTAVNICI SAVEZA SAMOSTALNIH SINDIKATA:

Samir Kurtović, Zijad Latifović, Lejla Ćatić, Mevludin Bektić, Dubravko Pervan, Ilvana Smajlović i Mirza Hadžiabdić, članovi delegacije Sindikata.

Sjednici nisu prisustvovali:

Vedran Lakić i Nediljko Rimać, članovi delegacije Vlade FBiH i **Venan Hadžiselimović**, član delegacije Udruženja poslodavaca u FBiH.

Pored prisutnih članova, sjednici Ekonomsko-socijalnog vijeća za teritoriju Federacije Bosne i Hercegovine (u daljem tekstu: ESV) prisustvovali su i članovi Stručne službe ESV-a.

Nakon uvodnog izlaganja predsjednik ESV-a predložio je sljedeći Dnevni red:

- 1. Razmatranje i usvajanje Zapisnika sa X. redovne sjednice ESV-a FBiH;**
- 2. Informacija Radne grupe o prijedlozima za utvrđivanje iznosa najniže plaće za 2026. godinu.**

zakon, a po čijim usvajanjima bi se moglo započeti za realizacijom planiranih aktivnosti o kojima se diskutovalo i na prethodnim sjednicama ESV-a.

Istakao je da je tendencija Vlade FBiH, da se u narednoj godini, radi na poboljšanju standarda penzionera, obzirom da je došlo do usaglašavanja u pogledu predloženih izmjena i dopuna Zakona o penzijskom i invalidskom osiguranju, koje predviđaju povećanje sredstava za penziju, te je sa prisutnima podijelio informacije o potrebnim budžetskim izdvajanjima na konkretnu svrhu. S tim u vezi, naglasio je da Vlada FBiH ne može dozvoliti bilo kakve dodatne turbulencije na tržištu u pogledu budžetskih stavki i stabilnosti budžeta FBiH.

Nadalje, naglasio je da Vlada FBiH, do kraja tekuće godine, treba razmotriti dalju primjenu Uredbe o isplati pomoći radnicima od strane poslodavaca („Službene novine Federacije BiH“, br. 8/25 i 14/25), te da će u slučaju donošenja iste za narednu godinu, neoporezivi iznos pomoći biti manji u odnosu na važeći u vezi čega je podijelio informaciju da se diskutovalo da isti bude 250,00 KM. Također, naglasio je da je navedeno trenutno samo predmet razmatranja i da još nikakva konačna odluka po konkretnom pitanju nije donesena.

Imajući u vidu navedeno, imenovani je pozvao prisutne da se u pogledu dalje diskusije o predmetnoj tački dnevnog reda, pokuša postići koncenzus, u cilju nastavka dosadašnje dobre saradnje.

Toni Kraljević, član delegacije Vlade FBiH, istakao je da je premijer FBiH, svojim uvodnim izlaganjem, već sumirao tekuće aktivnosti Vlade FBiH i osvrnuo se da bi se uskoro nakon 16 godina trebao donijeti Zakon o fiskalizaciji transakcija u FBiH, kao i da je u okviru izmjena i dopuna Zakona o penzijskom i invalidskom osiguranju predviđeno redefiranje formule koja se odnosi na usklađivanje penzija, što predstavlja značajan iskorak.

Nadalje, istakao je da su u prethodnom periodu diskutovalo o eventualnoj izmjeni Uredbe o metodologiji izračuna i usklađivanja najniže plaće u smislu redefiniranja roka (primjerice da isti bude 31.10.2026. godine), kako bi se izbjegla postojeća neizvjesnost.

Imenovani se također osvrnuo na formulu utvrđenu prethodno navedenom Uredbom, te je u tom pogledu istakao da se čekaju potrebni podaci Federalnog zavoda za statistiku, čija dostava je najavljena za 30.12.2025. godine. Međutim, u skladu sa trenutno dostupnim podacima, istakao je da bi iznos najniže plaće za 2026. godinu mogao biti veći za 2,7% u odnosu na trenutnu minimalnu plaću.

Nihad Imširović, član delegacije Udruženja poslodavaca u FBiH, istakao je da isto podržava pristup utvrđivanja najniže plaće za 2026. godinu u skladu sa Uredbom o metodologiji izračuna i usklađivanja najniže plaće, uz prijedlog da se ubuduće razmotri uvođenje narativa efektivnog rada.

Samir Kurtović, član delegacije Sindikata, osvrnuo se na prijedloge koji su izneseni od strane delegacije Sindikata, te je ukratko obrazložio iste.

Nadalje, imenovani je upoznao prisutne sa analizom u pogledu satnica, koja je rađena za konkretnu svrhu.

Također, istakao je da raspolažu informacijama da određeni poslodavci ne isplaćuju topli obrok radnicima, odnosno da sve ulazi u najnižu plaću od 1.000, 00 KM, te da je između ostalog, to razlog iznesenog prijedloga da najniža plaća iznosi 70% prosječne plaće u FBiH odnosno 1.120,00 KM.

Nadalje, istakao je da bi se trebalo razmotriti zaključivanje općeg kolektivnog ugovora kroz koji će se definisati određeni dodaci za kategoriju javnog i realnog sektora, te da se za konkretnu svrhu formira komisija.

Imenovani je istakao da mnogi poslodavci nisu povećali radnicima plaće, u skladu sa iznosom za koji je umanjena stopa doprinosa.

U konačnici istakao je da očekuje da najniža plaća bude usklađena sa rastom potrošačkih cijena, kako bi se na konkretan način zaštitili radnici i spriječio njihov odlazak.

Nihad Imširović, član delegacije Udruženja poslodavaca u FBiH, istakao je da bi prilikom diskusija trebalo izbjegavati bilo kakav vid generalizovanja, kako u smislu poslodavaca, tako i radnika.

Nermin Nikšić, član delegacije Vlade FBiH, istakao je da u svim branšama postoje i oni koji uredno ispunjavaju svoje obaveze, ali i oni koji traže prostor da isto izbjegnu.

Imenovani je istakao da se slaže sa delegacijom Sindikata u pogledu prijedloga koji se odnose na platne razrede, ali da isto nije predmet uređivanja kroz najnižu plaću.

Rasim Memagić, član delegacije Udruženja poslodavaca u FBiH, osvrnuo se na problematiku s kojom se susreću poslodavci u praksi u smislu osposobljenosti radnika da obavljaju određene poslove radnog mjesta, te je uputio prijedlog da stručne službe Vlade FBiH, Sindikat i Udruženja poslodavaca u FBiH u budućem radu počnu razmišljati o produktivnosti rada odnosno kako da se podigne prihod po radniku u FBiH kroz investicije, stimulacije i mjere Vlade FBiH i poslodavca kojim bi se povećala dodatna vrijednost rada, jer bi rastom prihoda po radniku značajno rasle i plaće.

Snježana Köpruner, član delegacije Udruženja poslodavaca u FBiH, istakla je da je poslodavcima u toku tekuće godine dosta pomogla mogućnost isplate pomoći, jer su bolje rangirane radnike mogli platiti još više i da će smanjenje iste značajno uticati na poslodavce, posebno jer početkom naredne godine dolazi do primjene CBAM-a što utiče na pad konkurentnosti. Sugerisala je da se, u slučaju smanjenja iznosa pomoći, razmotri pronalaženje drugog odgovarajućeg rješenja kojim će se omogućiti održavanje postojećih plaća radnika iz razloga što povećani ukupni troškovi, koji će poslodavci imati, neće moći dovesti do povećanja plaća.

Adnan Smailbegović, član delegacije Udruženja poslodavaca u FBiH, istakao je da siva ekonomija egzistira u praksi odnosno da je ista „jaka“, te da smanjenje iznosa pomoći najviše će naštetiti poslodavcima koji rade legalno, te je apelovao da se isto ima na umu prilikom donošenja konačne odluke.

Lejla Ćatić, član delegacije Sindikata, istakla je da se prethodno izneseni prijedlog u pogledu produktivnosti rada može regulisati unutar svakog poslodavca pravilnicima, odlukama i kolektivnim ugovorima. Također, istakla je da treba imati na umu različit tretman oporezivanja najniže plaće odnosno problem koji se s tim u vezi javlja u praksi, obzirom da se plaća radniku isplaćuje u ukupnom iznosu, a da se problem javlja ukoliko je plaća radnika viša (npr. 1.100, 00 KM) budući da je Uredbom o metodologiji izračuna i usklađivanja najniže plaće propisano da najniža plaća ne može biti osnovica za obračun drugih plaća niti se na temelju iste može utvrditi iznos satnice, što često dovodi do toga da kod većine poslodavca satnica ne parira najnižoj plaći. Nadalje, istakla je da se u praksi i prekovremeni rad i rad na dane sedmičnog odmora obračunava na osnovu najniže satnice zbog prethodno pomenute problematike. S tim u vezi, imenovana je predložila da se u narednoj godini povede računa o navedenom, te je naglasila da je isto razlog zašto Sindikat traži uvođenje „skala u povećanju plaća“, te

da ujedno razumiju i poslodavce da nije lako napraviti velike razlike u pogledu povećanja plaće. U konačnici je istakla da je potrebno da se podrži prijedlog za zaključivanje općeg kolektivnog ugovora.

Vojin Mijatović, član delegacije Vlade FBiH, informisao je prisutne da je, iako isto nije predmet konkretne tačke dnevnog reda, kao osnovica za obračun doprinosa korištena prosječna plaća iz prethodne godine odnosno preciznije za prvih devet mjeseci, te da u tom smislu, u tekućoj godini, nije bilo turbulencija jer se radilo o osnovici iz 2024. godine, bez obzira što je povećana minimalna plaća. Nadalje, imenovani je istakao da je kolegij Vlade FBiH razmatrao donošenje Uredbe kojom bi se iznevelisala razlika obzirom na porast prosječne plaće u tekućoj godini, međutim u konačnici se zaključilo da neće biti većih oscilacija i potrebe za intervencijama putem uredbi i određenih pomoći, te da je na isto ukazano kako bi Udruženje poslodavaca u FBiH bilo informisalo.

Mevludin Bektić, član delegacije Sindikata, je istakao da prijedlog Sindikata koji se odnosi na povećanje najniže plaće na 1.100,00 KM, kao alternativno rješenje, se može eventualno realizovati putem isplate pomoći. Također, istakao je da se treba razmotriti održavanje tematske sjednice na kojoj će tema biti CBAM.

Mario Nenadić, član delegacije Udruženja poslodavaca u FBiH, pozvao je socijalne partnere da u toku naredne sedmice javno podrže usvajanje relevantnih zakona koji će se naći na dnevnom redu prethodno najavljene sjednice Parlamenta FBiH.

Samir Kurtović, član delegacije Sindikata, zatražio je pauzu kako bi delegacija Sindikata održala kratke konsultacije.

Predsjednik ESV-a predložio je pauzu od deset minuta.

Sjednica se nastavila u 12:30 sati.

Predsjednik ESV-a je dao riječ delegaciji Sindikata.

Samir Kurtović, član delegacije Sindikata, istakao je da je stav delegacije Sindikata da ista neće imati problem da se prihvati prijedlog Vlade FBiH za utvrđivanje najniže plaće u skladu sa Uredbom o metodologiji izračuna i usklađivanja najniže plaće.

Također, predložio je da se na današnjoj sjednici donese zaključak da se u januaru otvori dijalog o zaključivanju općeg kolektivnog ugovora, koji će biti usaglašen na nivou svih socijalnih partnera.

Nihad Imširović, član delegacije Udruženja poslodavaca u FBiH, u pogledu replike na izneseni prijedlog Sindikata koji se odnosi na opći kolektivni ugovor, istakao je da je isto dosta složena tema, i da se prethodno mora pribaviti stav Upravnog odbora jer članovi delegacije nemaju ovlaštenja da se na današnjoj sjednici očituju po navedenom. S tim u vezi, istakao je da će Upravni odbor biti informisanom o konkretnom.

Nermin Nikšić, član delegacije Vlade FBiH, istakao je da je Vlada FBiH spremna za bilo kakav oblik nastavka dobre saradnje kroz ESV i da se po održavanju potrebnih konsultacija, predloženo može razmatrati.

Nakon zaključene rasprave, o ovoj tački Dnevnog reda, predsjednik ESV-a predložio je donošenje sljedećeg zaključka:

- **Socijalni partneri su postigli punu saglasnost da se iznos najniže plaća za 2026. godinu utvrdi u skladu sa primjenom Uredbe o metodologiji izračuna i usklađivanja najniže plaće.**

Nakon iznesenog prijedloga zaključka, predsjednik ESV-a je dao na glasanje prijedlog istog. Delegacije su glasale, nakon čega je **predsjednik ESV-a konstatovao da je predloženi zaključak jednoglasno usvojen.**

Predsjednik EVS-a je zatražio da se u zapisniku konstatuje da je delegacija Sindikata na današnjoj sjednici podnijela inicijativu da se početkom naredne godine započnu pregovori o zaključivanju općeg kolektivnog ugovora, o čemu će se socijalni partneri izjasniti nakon konsultacija u svojim organima.

Ad.3

Predsjednik ESV-a je, u okviru uvodnog izlaganja, istakao da se ova tačka dnevnog reda odnosi na zaključke sa prethodnih sjednica, a koji se odnose na pitanje dnevnica i izmjene Zakona o zdravstvenom osiguranju FBiH.

Nermin Nikšić, član delegacije Vlade FBiH, istakao je da je o pitanju dnevnica već govorio u okviru uvodnog izlaganja prve tačke dnevnog reda, odnosno da će ova tema biti razmatrana na slijedećoj sjednici Vlade FBiH.

Vezano za izmjena Zakona o zdravstvenom osiguranju u FBiH, informisao je prisutne da je od strane federalnog ministra zdravstva ponovo obaviješten da je resorno Ministarstvo pripremilo materijal koji se treba dodatno usaglasiti sa Vladom FBiH, nakon čega će biti upućen na razmatranje Ekonomsko – socijalnom vijeću za područje Federacije BiH.

Ad.4

Predsjednik ESV-a je, u pogledu predmetne tačke dnevnog reda, dao riječ delegaciji Sindikata.

Mirza Hadžiabdić, član delegacije Sindikata, informisao je prisutne da sindikat nije saglasan sa prijedlogom Izmjene i dopune Zakona o policijskim službenicima u FBiH koji je dostavljen Parlamentu FBiH. Istakao je da isti nije bio predmet razmatranja na ESV-u, te da nije usaglašen sa reprezentativnim sindikatama.

Imenovani je u daljem izlaganju iznio probleme koji se vežu za predmetni propis, kao i eventualna rješenja istih.

Nermin Nikšić, član delegacije Vlade FBiH, ukratko je obrazložio razlog zašto je predmetni zakon upućen u parlamentarnu proceduru, te je naglasio da je isti temporalnog karaktera. Također, predložio je da se u narednom periodu održi sastanak na konkretnu temu između relevantnih strana, odnosno predstavnika Sindikata i Vlade FBiH.

Nihad Imširović, član delegacije Udruženja poslodavaca u FBiH, iznio je prijedlog da se u narednom periodu organizuje par tematska sjednica na kojoj će se diskutovati o razvoju drugačijeg tj. boljeg poslovnog ambijenta, a na tragu jačanja konkurentne sposobnosti.

Predsjednik ESV-a istakao je da će pripremiti program rada ESV-a za 2026. godinu, te da će u istom biti planirane tematske sjednice na kojima će se razmatrati prethodno predložene teme.

Na kraju sjednice, utvrđen je zajednički stav da se u ime Ekonomsko-socijalnog vijeća za teritoriju Federacije Bosne i Hercegovine predstavnicima medija, obrate **Safudin Čengić** kao predsjednik ESV-a i **Toni Kraljević**, kao federalni ministar finansija.

Sjednica Ekonomsko - socijalnog vijeća za teritoriju Federacije Bosne i Hercegovine završena je u 13:00 sati.

PREDSJEDNIK

Dr.sc. Safudin Čengić

Zapisnik sačinila:

Jelena Rašeta

